



O‘ZBEKISTON RESPUBLIKASI PREZIDENTI
HUZURIDAGI STATISTIKA AGENTLIGI DIREKTORINING
BUYRUG‘I

“Yuridik shaxslarni hisobga olish va identifikatsiya qilishni avtomatlashtirilgan axborot tizimi
“Reg-System”da ishlash tartibi to‘g‘risidagi yo‘riqnomani tasdiqlash haqida”gi qarorga
o‘zgartirishlar va qo‘shimcha kiritish to‘g‘risida

O‘zbekiston Respublikasining “Rasmiy statistika to‘g‘risida”gi Qonuni hamda O‘zbekiston Respublikasi Vazirlar Mahkamasining 2022-yil 28-sentabrdagi 539-son “Korxonalar va tashkilotlarning yagona davlat registrini yuritish va uning asosida davlat xizmatini ko‘rsatishga oid normativ-huquqiy hujjatlarni tasdiqlash to‘g‘risida”gi qaroriga muvofiq **buyuraman:**

1. O‘zbekiston Respublikasi Davlat statistika qo‘mitasining 2014-yil 30-maydagi 3-mb-son “Yuridik shaxslarni hisobga olish va identifikatsiya qilishni avtomatlashtirilgan axborot tizimi “Reg-System”da ishlash tartibi to‘g‘risidagi yo‘riqnomani tasdiqlash haqida”gi qaroriga (ro‘yxat raqami 2594, 2014-yil 12-iyun) (O‘zbekiston Respublikasi qonun hujjatlari to‘plami, 2014-y., 24-son, 299-modda) ilovaga muvofiq o‘zgartirishlar va qo‘shimcha kiritilsin.

2. Mazkur buyruq O‘zbekiston Respublikasi Raqamli texnologiyalar vazirligi bilan kelishilgan.

3. Mazkur buyruq rasmiy e‘lon qilingan kundan e‘tiboran kuchga kiradi.

Ўзбекистон Республикаси
Президенти ҳузуридаги
Статистика агентлиги
директори

Тошкент ш.
2023 йил 13 апрель,
29-мб сон



Begalov B. A.

Келишилди:

O‘zbekiston Respublikasi
Raqamli texnologiyalar vaziri

Тошкент ш.
2023 йил 12 апрель,



Shermatov Sh. X.

O‘zbekiston Respublikasi Prezidenti
huzuridagi statistika agentligi
direktorining 2023-yil 13-apreldagi
29-mb-son buyrug‘iga
ILOVA

**“Yuridik shaxslarni hisobga olish va identifikatsiya qilishni avtomatlashtirilgan axborot tizimi
“Reg-System”da ishlash tartibi to‘g‘risidagi yo‘riqnomani tasdiqlash haqida”gi qarorga kiritilayotgan
o‘zgartirishlar va qo‘shimcha**

1. Qarorning muqaddimasi quyidagi tahrirda bayon etilsin:

“O‘zbekiston Respublikasining “Rasmiy statistika to‘g‘risida”gi Qonuni hamda O‘zbekiston Respublikasi Vazirlar Mahkamasining 2022-yil 28-sentyabrdagi 539-son “Korxonalar va tashkilotlarning yagona davlat registrini yuritish va uning asosida davlat xizmatini ko‘rsatishga oid normativ-huquqiy hujjatlarni tasdiqlash to‘g‘risida”gi qaroriga muvofiq buyuraman.”.

2. Yo‘riqnomada:

a) muqaddima quyidagi tahrirda bayon etilsin:

“Mazkur Yo‘riqnoma O‘zbekiston Respublikasi Prezidenti huzuridagi Statistika agentligi (bundan buyon matnda Statistika agentligi deb yuritiladi) va ro‘yxatdan o‘tkazuvchi organlar tomonidan yuridik shaxslar to‘g‘risidagi ma‘lumotlarni, yuridik shaxslarni hisobga olish va identifikatsiya qilishning avtomatlashtirilgan axborot tizimi “Reg-System” asosida Korxonalar va tashkilotlarning yagona davlat registriga (bundan buyon matnda KTYADR deb yuritiladi) kiritish jarayonida o‘zaro hamkorlik qilish tartibini belgilaydi.”;

b) 2-bandning ikkinchi xatboshisi, 5 va 7-bandlardagi “Davlat statistika qo‘mitasi” degan so‘zlar “Statistika agentligi” degan so‘zlar bilan almashtirilsin;

d) 3-bandda:

birinchi xatboshidagi “Davlat statistika qo‘mitasi” degan so‘zlar “Statistika agentligi” degan so‘zlar bilan almashtirilsin;

to‘rtinchi xatboshidagi “Davlat statistika qo‘mitasining” degan so‘zlar “Statistika agentligining” degan so‘zlar bilan almashtirilsin;

e) 4 va 6-bandlardagi “Davlat statistika qo‘mitasiga” degan so‘zlar “Statistika agentligiga” degan so‘zlar bilan almashtirilsin;

f) 9-band quyidagi tahrirda bayon etilsin:

“9. Registrator tomonidan KTYADRni yuritish uchun zarur bo‘lgan, yuridik shaxslarning yagona davlat reestriga kiritilgan yuridik shaxslar to‘g‘risidagi ma‘lumotlarni taqdim etish, bevosita Internet tarmog‘idagi Statistika agentligining registr.stat.uz idoraviy saytida bildirishnomani to‘ldirish orqali amalga oshiriladi.”;

g) 12-bandda:

“v” kichik band quyidagi tahrirda bayon etilsin:

“v) yuridik shaxsning ta‘sis hujjatlariga o‘zgartirish va qo‘shimchalar kiritilganligi, qayta tashkil etish,

tugatish jarayonidaligi, tugatish jarayonining to'xtatilganligi, tugatilishi va pochta manzili o'zgarganligi, shuningdek moliya-xo'jalik faoliyati amalga oshirilmayotganligi yoki harakatsiz holatga o'tkazilganligi to'g'risidagi ma'lumotlar, yuridik shaxslarning yagona davlat reestriga kiritilgandan keyin ikki kun mobaynida;"

quyidagi mazmundagi "g" kichik band bilan to'ldirilsin:

"g) yuridik shaxs yangi tashkil etilgan vaqtda asosiy faoliyat turi kodini biriktirishda yoki xodimlar soni to'g'risidagi ma'lumotni to'ldirishda noaniqlikka yo'l qo'yilgan deb hisoblanganda, faoliyat ko'rsatmayotganda, qo'shib olish yo'li bilan qayta tashkil etilganda, belgilangan tartibda faoliyati tiklanganda, qayta ro'yxatdan o'tib, ta'sis hujjatlarida ushbu faoliyat turi asosiy faoliyat turi deb belgilanganda, shuningdek ma'lum faoliyatni amalga oshirish bo'yicha litsenziya olganda yoki litsenziyasi bekor qilinganda uning asosiy faoliyat turi va unda ishlayotganlarning o'rtacha yillik soni o'zgarganligi to'g'risidagi ma'lumotlar, yuridik shaxslarning yagona davlat reestriga kiritilgandan keyin ikki kun mobaynida.";

h) 13-band quyidagi tahrirda bayon etilsin:

"13. Korxonalar va tashkilotning umumdavlat tasnifi kodi (bundan buyon matnda KTUT deb yuritiladi) – registrator tomonidan yuridik shaxsga Tizimdan foydalangan holda olingan, real vaqt rejimida bildirishnomani to'ldirish jarayonida beriladi.";

i) 20-band quyidagi tahrirda bayon etilsin:

"20. KTYADRdagi barchaning foydalanishi uchun ochiq bo'lgan axborotlar quyidagilar hisoblanadi:

identifikatsiyalashtirish ko'rsatkichlari – yuridik shaxsning nomi, KTUT, soliq to'lovchining identifikatsiya raqami (bundan buyon matnda STIR deb yuritiladi);

klassifikatsiya ko'rsatkichlari – asosiy faoliyat turining xususiyati, joylashgan joyi, tashkiliy-huquqiy shakli, kichik tadbirkorlik subyektlariga mansubligi, davlat va xo'jalik boshqaruvi organlari tuzilmasiga kirishi;

ma'lumot tusidagi ko'rsatkichlar – pochta manzillari, telefon raqamlari, yuridik shaxslarning ta'sischilari (aksiyadorlik jamiyatlari bundan mustasno), rahbari (soliq organlarining ma'lumoti asosida), davlat ro'yxatidan o'tkazilgan tartib raqami va sanasi (ustav fondi va ta'sis hujjatlariga o'zgartirishlar kiritish, yagona davlat reyestridan chiqarish) to'g'risidagi ma'lumotlari.";

j) 22-band quyidagi tahrirda bayon etilsin:

"440Tashqi foydalanuvchilar, bevosita Statistika agentligining www.stat.uz rasmiy saytida real vaqt rejimida, so'ralayotgan yuridik shaxsning STIRini kiritib, mazkur yo'riqnomaning 20-bandning uchinchi xatboshisida ko'rsatilgan axborotlarni bepul olishlari mumkin.";

k) 1 va 2-ilovalardagi "O'zbekiston Respublikasi Davlat statistika qo'mitasiga" degan so'zlar "O'zbekiston Respublikasi Prezidenti huzuridagi Statistika agentligiga" degan so'zlar bilan almashtirilsin.